

Porro etiam omnibus signi decuriis, quas facies dixerunt Astrologi atque etiam quinariis quæ sunt faciei dimidiæ partes angelum inferiorem ascribunt Cabalistsæ, atque etiam qualibet triplicitas angelica suo gaudet præfecto angelico, iuxta ipsorum sententiam.

Quod etiam quilibet planetarum orbis spiritum seu intelligentiam habeat principem, median-
tibus quibus mundus successiue gubernatur, testatur Trithemius Abbas in tractatu quodam pecu-
liari, Maximiliano Imperatori dedicato, per quos etiam omnia quæ tam in cælo & aere sunt, & quæ
in terra habitant & cresunt, iuxta voluntatem creatoris fataliter disponuntur: quorum Princeps
seu præfectus superior Saturni gubernationi destinatus à Magis vocatur *Zabkiel* ut nonnulli volunt,
alii eum appellant *Oriphiel*, huic succedit *Zadkiel*, seu *Zachariel*, qui præest Ioui, ut & *Zamael* seu *Samael*
vel ut alii volunt *Camael*, Marti, *Michael* Soli, quamuis nonnulli *Raphaelem* ei præfectum faciunt, *Hani-
el* vel *Anael* Veneri, *Raphael* Mercurio, at aliqui *Michaelem* ei attribuunt, *Gabriel* Lunæ. Atque de istis
spiritibus planetas regnantibus videtur Iohannes in Apocal. 1. intelligere dicens, *Et à septem spiritibus
qui in conspectu throni DEI sunt &c.* De quibus etiam *Raphael* intelligebat cum ad Tobiam ait, *Ego sum
Raphael vnus ex angelis 7. qui astamus ante Iehouam*, Et *Gabriel* ait ad Mariam: *Ego sum Gabriel qui asto ante
Deum*, Luc. 1. Et alibi dicit ad Danielelem: *Ecce Michael vnus ex principibus venit in adiutorium meum*, Dan.
10. 15. Erat etiam *Zachariel* bonus angelus Prophetæ Zachariæ, de quo scribit: *Angelus qui loquebatur
in me egrediebatur, & dixit ad alium angelum Curre &c.* Zach. 2. Hi principes seu præfecti sub qualibet
suarum ditionum multas habent sub se inferiorum spirituum cohortes, quæ ad voluntatem sui præ-
sidis (iuxta Dei mandata) obeunda in inferiora assidue per viam influentia impluuntur, idque exu-
berantius secundum stellæ dominium in cælo, quam dicuntur inhabitare. Atque hi angeli seu dæ-
mones inferiores nomina sua generalia à stella sua accipiunt, si Gallum, Anglum, Hispanum, Italum
dicimus, intelligimus, hominem in Gallia, Anglia, Hispania, Italia natum; Sic spiritus etiam pari ra-
tione Iouiales, Saturninos, Martiales &c. dicimus, qui sunt illorum orbium incolæ.

Angeli autem sub Magni Archangeli *Gabrielis* imperio, natura, & dispositione variare solent, se-
cundum varium sphaeræ lunaris sub signis Zodiaci situm, quem mansionem vocauerunt Astrologi,
quæ mansiones in toto sunt 28. quare & angeli eas gubernantes variis appellationibus dicuntur,
quas ordine sic numeramus, *Geniel, Enediel, Amixiel, Azariel, Gabiel, Divachiel, Sebeliel, Amnediel, Bar-
biel, Ardestel, Neciel, Abdizuel, Iazeriel, Ergediel, Ataliel, Azeruel, Adriel, Egibiel, Amutiel, Kyriel, Bethnael, Celi-
el, Requier, Abrinael, Aziel, Tagriel, Alheniel, Amnixiel*, Atque hi omnes magnam vim habent tam in aquæ
& aeris mutationibus variis, quam in rerum terrestrium alterationibus.

Denique iuxta Cabalistarum doctrinam sunt alii angeli, quibus quatuor noctis custodiæ com-
mittuntur, de quibus Christus sic loquitur, *Et si venerit in secunda vel tertia vigilia noctis &c.* alii præfici-
untur quatuor anni custodiis, secundum quatuor illas solis stat:ones quæ in ariete, cancro, libra, &
Capricorno fiunt, &c.

		{ Orientalem Michael,
		{ Occidentalem Raphael,
		{ Borealem Gabriel.
	{ Quatuor mundi cardi- nes seu ventos nempe super	{ Australem Vriel, qui & Noriel seu Nariel dicitur.
		{ Ignis Seruph,
		{ Aeris Cherub,
		{ Aquæ Tharsis
		{ Terræ Ariel qui & Nathaniel à Phi- lone nuncupatur.
D.	{ Quatuor elementa vi- delicet super illud	
Angeli seu dæmones sublunares seu in regione sublunari præ- cipue gubernantes sunt, præfe- ctus vel super		
	{ Septuaginta partes seu regiones terræ atque hi sunt 72. illi An- geli, quos Theologi secretiores vocant angelos totius terræ fortes.	
	{ Infinita Animalium, Vegetabilium, & Mineralium nego- tia.	

Magno angelo solari nomen *Michael* assignatur à stupore & admiratione, ac si diceremus, *Quis
tam fortis?* De huius angeli origine seu prosapia in clyta, & potestate in mundo immensa, atque do-
minio tam in bonos quam malos angelos in hoc mundo in sequentibus fusius loquemur.

Raphael dicitur à Medicina DEI, ut & *Gabriel* à virilitate: *Vriel* ignis seu lumen Dei.

Hisce quatuor Angelis, iuxta Theologos occultos, assignantur gubernationes 4. cardinum
huius